

## ILALIUTIHIMAYUQ 1

### PIYUMAYAINIK IHUAQHAUTIKHANIK QEC-TKUT NAUNAITKUTIKHAT ATUQTAKHANGILLU PIVIKHAQAUTIKHAINUT ATULIQLUGIT AMIAKKUNGIT KITITIQHUGIT PILIRIAKHAQ

Piyumayainik ihuaqhautikhanik QEC-tkut Naunaitkutikhat Atuqtakhanginillu Pivikhaqautikhainut atuqpallianikhainut Amiakkungit Kititiqhugit Piliriakhaq naunaiyattiaqhimayut ataani.

#### **Ilanga 1 – Kangikhipkaidjutikhaq**

##### Ilangani iluani 1.6 - Naunaitkutaani

1. Ilaliutilugit hapkuat uqauhikhangit:

*Naunaitkutaani “D” – Idjuhikhat Amiakkungit Kititiqhugit Piliriakhaq*

#### **Ilanga 2 KANGIQHIDJUTIT**

2. Ilaliutilugu Ilangani iluani 2.40 imaatut:

*2.40 Tatqiqhiutini Amiakkungit Kititiqhugit Piliriakhaq:*

*Aallandaniak ukuak alruyaqtuutit pihimayait Kuapulisikunnit Akiliqtuiyumut akiliqtuivikhanik hivitunianit tamnalul alruyaqtuutinit tuniyauhimayut akiliqtuiyumit ikuumadjutikhanit janulitanit Kuapulisitkut atuqtakhanik akiliqtuivikhanik hivitunianit*

#### **Ilanga 3 – Angirut**

3. Ilaliutilugu Ilangani iluani 3.6 imaatut:

*3.6 Amiakkungit Kititiqhugit Piliriakhaq:*

*Akiliqtuiyut ilairaihimayut Atuqtaunginaqtukharnik Alruyaqtuqtukharnik pittaarunaqhiyut Amiakkungit Kititiqhugit Piliriakhaq pidjutiqaqtunik idjuhikhanut naunaiqtauyarikhimayunik uvani Naunaitkutaani D, unalu ihuarikpadjuk Kuapulisikkunit hapkuat alruyaqtuutininik naunaiyautingit, akiliqtauyukhanik titiqidjutingit alruiyiqiyit pitquyauhimayainik atuqtakhamut pittaarutikhainik.*

*Pauvvakhaliurutait Kuapulisitkut atuqtakhainik Akiliqtuiyunut, pauvvakhaliurutaitlu Akiliqtuiyut nutaanguqtaaqtumik auladjutinik atuqtut Kuapulisitkut atuqtakhanik, naunaiqtauhunguyut taimatut atuqlutik atauhirmik naunaiyautikhamik naunaiqhittaaktumik nutaanguqtaaqtumik auladjutinik atuqtut alruyaktuutikhanik tamangnit atuqtaulayumik.*

*Amiakkungit Kititiqhugit Piliriakhaq kikliqaqtuq talvuungainaq kilowatt hours (kWh) per kWh atuqtauyunut alruyaqtuutainut. Amiakkungit Kititiqhugit akiliqtuiyunut akiliqtakhainik tatqiqhiunmi alruyaqtuutainik aktilakhanik akiliqtitauvaktut*

*munaqhiyukhatlu akiliqtakhainik, atuqtainut akiliqtakhanik taaksinutlu iliuraqtauniarunaqhiyut atatqiqhiunmi.*

*Alruyaqtuutainut akiliqtutikhainik, nunguani tatqiqhiunmi akiliqtutikhainut hivitunianik Kuapulisitkut naunaiqhihunguyut Tatqiqhiutini Amiakkungit Kititiqhugit uvani kilowatt hours (kWh) atuqtauyukhanik akiliqtukhanut hivituniani.*

*Nalliani tatqiqhiutimi, taimaitpat Tatqiqhiunmi Amiakkungit Pauvvatuutainik mikitqiyaukpata (i.e., akiliqtuiyuq atauttimut tunihihimayuy alruyaqtuutikhanik Kuapulisitkut atuqtakhanik akiliqtuiyumit atuqtainik alruyaqtuutainik Kuapulisitkunit), Kuapulisitkut manikhanik ilirihunguyat Tatqiqhiunmi Inmikkut Alruyaqtuutainik aktilanganik imatut kWh talvuunga akiliqtuiyumut titiraqarvianut (tamna “maniliqiyitkunni avaliqhimayut”) unalu akiliqtuiyuq akiliqhiyakhaittuq Alruyaqtuutainik tatqiqhiunmi.*

*Nalliani tatqiqhiunmi tamna Tatqiqhiutini Katitiqhimayut Alruyaqtuutunik maniqaqgat (i.e., akiliqtuiyuq atauttimut atuqhimakpata amigaitqiyani alruyaqtuutainik uvanga Kuapulisitkut akiliqtuiyumit tunihimayainik Kuapulisitkut atuqtakhanik), taimatut Kuapulisitkut iliuraihunguyut alruyaqtuutainik imatut kWh uvanga tutqumayainit aktilanganik (piqaqqata) akiliqhimayunik talvanga Tatqiqhiunmi Inmikkut Alruyaqtuutainik aktilanganik.*

*Taimaitpata tutqumayainit aktilanganik angitqiyaukpata Tatqiqhiunmi Amiakkungit Alruyaqtuutunik aktilanganik, Tatqiqhiunmi Inmikkut Alruyaqtuutainik iliuraqtauhunguyut tutqumayainit aktilanganik unalu akiliqtuiyuq akiliqtitaulimaitut Alruyaqtuutainik tatqiqhiunmi. Angitqiyaukpat Tatqiqhiutini Amiakkungit Pauvvatuutainik tutqumayainit aktilanganik, tamatkiklugu tutqumayainit aktilanganik iliuraqtauhunguyut tutqumayainit aktilanganik talvunga Tatqiqhiutini Amiakkungit Pauvvatuutainik imatutlu tapkuanginnait Tatqiqhiunmi Amiakkungit Alruyaqtuutunik ilaiyaqtaulimaitut tutqumayainit aktilanganik akiliqtitaulimaitutlu talvunga Akiliqtuiyuq tatqiqhiunmi atuqtakhaliukhimayumik aktilakhanik.*

*Kitutliqaak tutqumayainit aktilanganik pihimayut ukiungani nunguan (Qiqaiyalirvia 31) ihuaqhaqtauhunguyut akilihakhaitumik kWh aktilakhanik.*

*Amiakkungit Kititiqhugit Alruyaqtuutunik Atuqtainik hanaqiyauhunguyuit maliqalugit maliktakhangit Naunaitkutaani D.*

4. Nappaliqtuffalugit nayugani iluani “3.6 Aulaninganik Quaahalaarutiqaryuaqhuni Aktilanginik” talvunga “3.7 Aulaninganik Quaahalaarutiqaryuaqhuni Aktilanginik”

**Atugakhaliat:**

5. Ilaliutilugu “Naunaitkutaani D – Qanuringinat Amiakkungit Alruyaqtuutunik Atuqtainik” tuniyauhimayut Naunaitkunmi A.

**NAUNAITKUTAANI D**

**QANURINNINGIT AMIAKKUNGIT KITITIQHUGIT ATUQTAKHAINIK**

**1. Pittaaqtut Akiliqtuiyut**

- 1.1. Ataani Amiakkungit Kititiqhugit Piliriakhaq, alruyaqtuutunik akiliqtuiyunut nanminiqagtunut mikiyunik, alruyaqtutikhanik janulitanik tuniyaulayut kilowatt hour akikhanik amiakkunik uvanga akiliqtuiyunit alkruyaqtuutunit, talvuuna Kuapulisitkut kihitautagut alruyaqtuutainik, talvunga Kuapulisitkut atuqtakhanik.
- 1.2. Atuqtakhat angmayuq Kuapulisitkut alruyaqtuqtut akiliqtuiyunut tamainut nunanut, tamainutlu aallatqiiktunik alrutaqtuutikhanik.
- 1.3. Amiakkungit Kititiqhugit Piliriakhaq hailiyut tamainut Igluqpaqaqtut Akiliqtuiyut unalu atauhiq Hamlatkuni Kuapulisitkut nanminiqagtut akiliqtakhamingnut atauhirmi nunami.
- 1.4. Akiliqtuiyut piqaqtukhat pivikhaqautikhanik tapkunani Kuapulisitkut atuugaitpata.

**2. Aktikkutilakhangit Kiklingit Aallaniklu Kiklikhaqaqtut**

- 2.1. Aktikkutilakhangit auladjutikhangit ikuumadjutikhat janulitat avatquttukhaungitut 10 kilowatts (kW).
- 2.2. Tamaita aktikkutilakhangit kiklingit Amiakkungit Kititiqhugit Piliriakhaq auladjutikhangit ikuumadjutikhat janulitat nunallaani avatquttukhaungitut 7%-nganik atauhirmi ukiumi anginikhaanik atauttip alruyaqtuutainik uvaluuniit alruyaqtuutainut, ihivriuqtauhimayunik Kuapulisitkunit. Kuapulisitkut aallatqinguniarunaqhiyut aktikkutilakhangit kiklingit, nunallamit nunallaamut, naunaiyautigilugit aktikkutilakhangit kiklingit qayangnaitkutinganiklu ingniqutiqarvingitlu.

**3. Iliuraidjutikhanik Alruyaqtuutikhanut (Connection to the Grid)**

- 3.1. Nutaanguqtaaqtumik auladjutinik atuqtut havaakhanik atani Amiakkungit Kititiqhugit Piliriakhaq maliqayariaqaqtait Kuapulisitkut Ayurnatqiyaniq Atadjutinut Atuqquyauhimayunik (Technical Interconnection Requirements) imatutlu ihuaqtut Kaanatami Alruyaqtuqtunit Naunaitkutinga .
- 3.2. Amiakkungit Kititiqhugit iliuraidjutikhainik ihivriuqtauyariaqaqtut Kavamanganit Nunavutim Aanniqtalinikkut Havagvianit ihivriuqtaullayutlu Kuapulisitkunit.

**4. HAVAAKHAMUN MUNARIYAKHAILTU**

**4.1. Akikhanik Munaqhiyukhat**

- 4.1.1. Amiakkungit Kititiqhugit akiliqtuiyut muinariyaqaqtut tamainik akiliqtakhamingnik atuqtauyunik akiliqtuiyunit pivikhaqautikhanik ilauiyutlu tamainik auladjutainik akiliqtakhaniklu maliqalugit atuqtakhaliuqhimayunik Maliktakhanik Maliruagakhaniklu. Alruyaqtuutikhanik iliuraivikhat hapkuat Kuapulisitkut pauvvaqarvikhanik ingniqtuqarviit uvaluuniit alruyaqtuutit iliuraqtauvaktut tapkununga Amiakkungit Kititiqhugit akiliqtuiyut igluqpaini.
- 4.1.2. Amiakkungit Kititiqhugit Akiliqtuiyut munariyakhangit akiliqtuqtakhatik nutaanguqtiridjutainik Kuapulisitkut atuqtakhanik talvunga ilaupkarianginik Katitiqhimagayut Alruyaqtuqtunik Atuqtainik. Kuapulisitkut hanaqihunguyait piyariaqaqtut hanayauyukhat, qanurinnikhainiklu hanayauyukhaniklu nappaqtiriaqaqqata akiliqtukhaniklu akiliqtitilutik Amiakkungit Kititiqhugit aliliqtuiyut.

## **4.2. Aallaniklu Munariyakhainik**

### **Kuapulisitkut piniaqtut:**

- 4.2.1. Atuliqlugit, munarilugitlu tuhaqtitlugitlu Amiakkungit Kititiqhugit Piliriakhaq akiliqtuiyunut.
- 4.2.2. Munarilugit nutannguqtiqlugitlu, tamaita piyariaqaqtut titirauhikhanginik talvuuna Amiakkungit Kititiqhugit Piliriakhaq; hapkuatlu titiqat hailipkaqtauyukhat inungnit piyuminaqtumik akiliqtuiyunut kuapulisitkut qaritauyaliqutaini (website).
- 4.2.3. Naunayaglugit Amiakkungit Kititiqhugit akiliqtuiyut pihimayakhainik tamainik atadjutinut atuqquyauhimayunik imatutlu pittarutikhanik Amiakkungit Kititiqhugit Piliriakhaq.
- 4.2.4. Tunihilutik itqurniaqhimayunik akiliqtuiyunut nutannguqtiqhimagayunik pitquyauhimayunik Kuapulisitkut atuqtakhainik iliurautikhainiklu.

### **Tamna allanik uumaqutikhanut atuqtakhanik tapkununa/katitiqhimagayut alruyaqtuqtunik akiliqtuiyut piyukhat:**

- 4.2.5. Pitquyauhimayut nallaumayakhangit pauwaqautikhanut iliuraidjutikhanginik pitquyauhimayut atuqquyauhimayunik Kuapulisitkunit.
- 4.2.6. Ilitturipkaklugit Kuapulisitkut Amiakkungit Kititiqhugit upalungaiyautikhat imatutlu hailipkaklugit Katitiqhimagayut Alruyaqtuqtunik havaakhaq qauyihaqtauyukhanik Kuapulisitkunit Kavamanganitlu Nunavutim Aanniqtailinikkut Havagvianit.
- 4.2.7. Maliqatiyukhayut tamainut ihuaqtunut hamlatkut maligainut, aviktuqhimayuni Kanataplu maligainut maliruagakhanutlu.

4.2.8. Aitliuqkutit talvunga Amiakkungit Kititiqhugit pivikhaqautikhanik angirutit.

## 5. kWh Atuqtakhanginnik Qakugu Pauwaqtuutikhanganik

- 5.1. Akiliqtuiyut tuniyaulimaittut maningmik ikayuutikhanik talvunga Amiakkungit Kititiqhugit Piliriakhaq. Amiakkungit Kititiqhugit Piliriakhaq tahapkunungainnaq piyukhaq kWh talvunga kWh himmautigilugit atuffaaginnarialiknik piliurninnganik. Amiakkungit Kititiqhugit Akiliqtuiyut tuniyauvakhunguyut tatqiqhiut tamaat kWhs atuqtakhanginnik qakugu pauwaqtuutikhanganik aadjikutunik amigaitilanginik kWhs tuniyauhimaguyut Kuapulisitkunut atuqtakhainik akiliqtakhanginik hivituniani. Kuapulisitkut naunaiyaihunguyut amigaitilanginik kWh atuqtakhanginnik qakugu pauwaqtuutikhanganik tamainik kWh tuniyauhimaguyut pauwaliurutanit talvunga Kuapulisitkut malruiqtukhugu aktilanganik (bi-directional meter) Kuapulisitkunut atuqtakhanik unalu iliurailutiklu akiliutainik Amiakkungit Kititiqhugit akiliqtuiyut alruyaqtuutainik akiliqtutikhainik tatqiqhiunmi akiliqtutikhanik nalliutiyarangata.
- 5.2. Nalliani tatqiqhiunmi, akiliqtuiyuq atauttimut tunihigumi pauwaqautikhanik Kuapulisitkunut atuqtakhainik ahiit tamna akiliqtuiyuq aturumigit Kuapulisitkunit, Kuapulisitkut atuqtakhanginnik qakugu pauwaqtuutikhanganik aallanganianik akkungani tuniyadjutanit atuqtauyumitlu kWh akiliqtuiyup akiliqtuivianut katiqhiamyut atuqtakhanginnik qakugu.
- 5.3. Nalliani tatqiqhiunmi, akiliqtuiyuq atauttimut atuqhimagumi angitqiyantik alruyaqtuutiminik Kuapulisitkunit akiliqtuiyunit tunihidjutanit talvunga Kuapulisitkut atuqtakhainik, Kuapulisitkut iliuraihunguyut alruyaqtuutainik (kWh) talvunga akiliqtuiyup maniliqiyitkunni avaliqhimayut aallanganianut atuqhimayainik alruyaqtuutainik kWh.
- 5.4. Kuapulisitkut tunihiyukhauyut naunaiyattiaqhimayunik ammiakkunik takkunaqtuniklu kWh tuniyauhimaguyut akilighahaliugutainun aulayunun amigaitilanginiklu tuniyauhimaguyut kWh akiliqtuiyup tatqiqhiunmi akiliqtakhainut titiqamut.
- 5.5. Atuqtakhanginnik qakugu pauwaqtuutikhanganik avatqudjutainik pauwaqtuutikhangit kWh katititqauhimaguyut akilikhahaliugutainun aulayunun iliuraqtauhunguyut tuklianut akilikhahaliugutainun aulayunun talvunga Amiakkungit Kititiqhugit Piliriakhaq atauhirmi ukiumi hivitunianik. Iniriqhimayut atuqtakhanginnik qakugu pauwaqtuutikhanganik iliuraqtauyariaqaqtut mikhilarutikhanik pauwatuutininik atuqtainik tapkununga pauwatuutikhanganik iliyauhunguyut katititqauhimaguyut. Ihuqharvikhangat ublua avatqudjutainik pauwaaliurutainik unnauhunguyup Qiqaiyalirvia 31 atuqtumi ukiungani. Akiliqtuiyut ilayunaqtut pinahuarutimut nalliani tatqiqhiutini atuqtup ukiup.
- 5.6. Aktilakhanga atuqtakhanginnik qakugu pauwaqtuutikhanganik tamainut Amiakkungit Kititiqhugit akiliqtuiyut ihuaqhaqtauvangniaqtuq 0-mut Qiqaiyalirvia 31 atuqtumi ukiungani. Atuqtakhanginnik qakugu pauwaqtuutikhanganik nuutiqtaulimaitutu aipanganimit atauhirmi ukiumi uvaluuniit tuniyaulimaittut inungmut allamut.